

# Tingkat infrastruktur kesihatan

Kerajaan Pusat digesa peruntuk bajet kemudahan kesihatan di Terengganu

■ W SAIDATUL NAJEMUDIN

**KUALA TERENGGANU** – Kerajaan Pusat diminta memperuntukkan bajet bagi meningkatkan infrastruktur kesihatan di negeri ini menjelang Bajet 2017 yang akan dibentangkan di Parlimen dalam masa terdekat.

Pembentang Kluster Kesihatan dan Kebajikan Kongres Rakyat Terengganu, Dr Mujahid Fauzi berkata, kerajaan negeri perlu menggesa kerajaan Pusat bagi memastikan rakyat di negeri ini menikmati kemudahan kesihatan lebih baik, sekali gus turut memperuntukkan bajet untuk

kemudahan kesihatan pada Sidang Dun akan datang.

Beliau berkata, masih terdapat kekurangan kemudahan yang perlu dipertingkatkan termasuk kesesakan di wad-wad hospital negeri ini bagi menampung jumlah penduduk yang semakin meningkat iaitu seramai 1.154 juta orang pada 2015.

"HSNZ juga terpaksa menerima kes rujukan dari daerah-daerah



MUJAHID

di HSNZ.

Mengulas lanjut perkembangan itu, Mujahid turut terkilan de-

lain seperti Besut, Hulu Terengganu, Setiu dan Dungun," katanya.

Sehubungan itu, beliau meminta pembinaan beberapa hospital seperti Universiti Sultan Zainal Abidin (UniSZA), Dungun dan Kemaman dipercepatkan bagi menampung kekurangan sedia ada

ngan pembinaan ketiga-tiga hospital terbabit yang belum menampakkan hasilnya termasuk Hospital Dungun walaupun ia dimasukkan dalam Rancangan Malaysia Kelapan (RMK-8).

"Mantan Menteri Besar Terengganu pernah membangkitkan isu ini pada Ogos 2011 sedangkan perancangannya adalah pada RMK-8 lagi. Sepatutnya pihak kerajaan terus mendesak supaya kemudahan kesihatan ini dipertingkatkan.

"Sekarang ini, kita berada pada tahun 2016 yang mana satu dekad berlalu dengan janji untuk pembinaan hospital ini. Apakah status pem-

binaan hospital ini? Adakah kita perlu menunggu satu dekad lagi bagi menjadikan ia sebuah hospital realiti bagi menampung keperluan rakyat?" soalnya.

Begitu juga dengan hospital di Kemaman yang sudah dimasukkan dalam RMK-11 dan UniSZA yang sudah dilantik kontraktornya tetapi masih tidak menampakkan sebarang hasil yang boleh menampung kekurangan sedia ada.

Sedangkan katanya, Hospital UniSZA sepatutnya sudah bersedia menampung keperluan penduduk Kuala Nerus sebagaimana dijanjikan siap pada tahun 2017.

STAR HARIAN (21 OKTOBER 2016)